

¡BOMBA!

Como Fidel no hay igual,
mas su herencia inspire a Cuba
en esta hora fatal
que el gringo en la isla incuba



K'intsil

U ediciónil fin de semana, viernes 14 tak domingo 16 ti' agosto ti' u ja'abil 2026

CAMPECHE · YUCATÁN · QUINTANA ROO · AÑO 12 · NÚMERO 2789 · www.lajornadamaya.mx

KAAN KAY, JACH SÉEBA'AN U KANIK KUXTA'AL TI'ULÁAK'U JEJELÁASIL JA'OB

Anguila americana u k'aaba' ich káastelan t'aan yéetel Anguilla rostrata u científico k'aaba'. Kex tumen juntúul u ba'alche'il k'áak'náabe', jach uts u kanik kuxtal ti' uláak' u jejeláasil ja'ob, je'el bix ríos, aak'alo'ob wa tak ti' u beelo'ob ja' yaan yáanal lu'um ku núpulo'ob yéetel k'áak'náab, je'el bix u yúuchul yéetel u ts'ono'otilo'ob Quintana Roo.

Ichil ba'ax tu ya'alaj Juan Jacobo Schmitter-Soto, u especialistail Departamento de Sistemática y Ecología Acuática ti' u kúuchil El Colegio de la Frontera Sur, kaan kaye' ku yila'al tu jáal ja'ilo'ob Atlántico, yaan Groenlandia tak Panamá, tu'ux táaka'an xan u baantail Guayanas.

Ku yila'al xan Caribe Mexicano, ts'o'oke' lelo' ku chíikbesik yaan ba'alo'ob ku béeykunsik yóok'olal bix u wiinkilal, je'el bix u kuxtal ti' u beelilo'ob ja' ku núpul yéetel u chí'och' ja'il k'áak'náab.

Jxaak'al tu tsolaj ku yantal u mejenil kaan kay tu k'áak'náabil Atlántico, ti' jump'éel baanta chúumuk yaan ti' le k'áak'náabo'. Kéen ts'o'okok u ye'ele', u mejenile' ku yáalkab tu

beelilo'ob ja' tak keen náats'ak tu jáal ja'ilo'ob continente.

Tu táankelemile' ts'aba'an u k'aaba' beey angulas; kaja'an jáal ja'. Je'el bix u bin u xuultale' ku bin ríos, aak'alo'ob yéetel ts'ono'oto'ob, tu'ux suuk u yantal u ya'abil u k'iinilo'ob u kuxtal.

Tu péetlu'umil Quintana Roo, tu ya'alaj Schmitter-Soto, ila'an ti' ts'ono'oto'ob naats' yaan Tulum, u ya'abile' le ku núpul yéetel u ja'il Caribe.

U wiinkilale' chowak yéetel beey u ti'al kaane', le beetik séeba'an u péek tak tu'ux nu'ut' wa yaan u muuk'il u péek ja'. Je'el u k'uchuul u p'is tak metro y medio u chowakil. Ba'ale' Schmitter-Soto tu ya'alaje' u maas chowakil u chukmaj ti' jump'éel u ts'ono'otil Quintana Rooe' tu p'isaj kex 80 cms. Beyxan, je'el u tsa'ayal kuxtal tak 40 ja'abo'obe', ts'o'oke' lelo' chan nonoj wa ku tukulta'al beyka'aj ku kuxtal juntúul kay.

Suuk u jaantik mejen kayo'ob, crustáceos, u yik'elo'ob k'áak'náab yéetel uláak' wiinkilalo'ob ku kuxtalo'ob tu'ux yaan luuk' wa áaktúuno'ob.



OOCHEL ROGER DENNISON

ESPECIAL: FAUNA NUESTRA / MIGUEL AMÉNDOLA/ P 42 YÉETEL 43